



NARRENZUNFT MOCHENWANGEN

"Drecketer Bläse" e.V. gegr. 1995

Bläselied

1. In dem Dörfle Mochawanga, Mochawanga, Mochawanga sieht ma no dia Gnocha hanga vom Baptischt sainer Kua.

(Refrain) Jo singet zua, singet zua vom Baptischt sainer alta Kua singet zua, singet zua, vom Baptischt sainer Kua.
2. An Ooschtra war se dick und fett, dick und fett, dick und fett an Pfingschda bloß a hies Skelett, vom Baptischt dia schee Kua.
3. Dr Bua vom Baptischt isch Soldat, isch Soldat, isch Soldat griat en Ochsamaulsalat vom Baptischt sainer Kua.
4. Dr Pfarrer der soll au it bruttla, au it bruttla, au it bruttla ißt drei Däller saure Kuttla vom Baptischt sainer Kua.
5. Und au da Mesmer griat sai Doil, griat sai Doil, griat sai Doil der griad da Schwanz als Gloggasoil vom Baptisch sainer Kua.
6. D´ Mochawanger Bloskapell, Bloskapell, Bloskapell griat a neies Drommelfell vom Baptischt sainer Kua.
7. D´r Karle hot an Waga zoga, Waga zoga, Waga zoga etz isch er in an Pfladder g´floga vom Baptischt sainer Kua.
8. Da Lehrer moß dia Kind vrhaua, Kind vrhaua, Kind vrhaua, drum wett´r halt da Schwanz gern glaua vom Baptischt sainer Kua.
9. Doch des Liad isch lang noit aus, lang noit aus, lang noit aus denn do stoad a´ Kalb im Haus vom Baptischt sainer Kua.

MOCHAWANGA GNOCHAHANGA